

פרק קז

א הָדוּ לַד' פִּי-טוֹב כִּי לְעוֹלָם חֲסִדוֹ: ב יֹאמְרוּ גְאוּלַּי ד' אֲשֶׁר
גָּאֵלָם מִיַּד-צָר: ג וּמֵאֲרָצוֹת קְבָצָם מִמִּזְרַח וּמִמְעַרְב מִצְפּוֹן
וּמִיָּם: ד תַּעֲנוּ בַמִּדְבָּר בִּישִׁימוֹן דֶּרֶךְ עֵיר מוֹשֵׁב לֹא מִצְאוּ:
ה רַעֲבִים גַּם-צִמְאִים נִפְשָׁם בָּהֶם תִּתְעַטֹּף: ו וַיִּצְעֲקוּ אֶל-ד'
בְּצַר לָהֶם מִמִּצּוֹקוֹתֵיהֶם יִצִּילֵם: ז וַיִּדְרִיכֵם בְּדֶרֶךְ יִשְׂרָאֵל
לָלֶכֶת אֶל-עֵיר מוֹשֵׁב: ח יוֹדוּ לַד' חֲסִדוֹ וְנִפְלְאוֹתָיו לְבְנֵי
אָדָם: ט כִּי-הִשְׁבִּיעַ נֶפֶשׁ שִׁקְקָה וְנֶפֶשׁ רַעֲבָה מְלֹא-טוֹב:
י יֵשְׁבִי חֲשָׁד וְצִלְמוֹת אֲסִירֵי עֲנִי וּבְרָזַל: יא כִּי-הִמְרוּ
אִמְרֵי-קַל וְעֵצַת עֲלִיוֹן נֶאֱצוּ: יב וַיִּכְנַע בְּעִמְל לִבָּם כְּשָׁלוֹ
וְאִין עֲזָר: יג וַיִּזְעֲקוּ אֶל-ד' בְּצַר לָהֶם מִמִּצּוֹקוֹתֵיהֶם יוֹשִׁיעֵם:
יד יוֹצִיאֵם מִחֲשָׁד וְצִלְמוֹת וּמוֹסְרוֹתֵיהֶם יִנְתֵּק: טו יוֹדוּ לַד'
חֲסִדוֹ וְנִפְלְאוֹתָיו לְבְנֵי אָדָם: טז כִּי-שָׁבַר דְּלִתוֹת נְחֹשֶׁת
וּבְרִיחֵי בְרָזַל גִּדְעוּ: יז אֲוִלִים מִדֶּרֶךְ פְּשָׁעִים וּמַעֲוֹנֹתֵיהֶם
יִתְעַנּוּ: יח כָּל-אֲכָל תִּתְעַב נֶפֶשָׁם וַיִּגִּיעוּ עַד-שַׁעֲרֵי מוֹת:
יט וַיִּזְעֲקוּ אֶל-ד' בְּצַר לָהֶם מִמִּצּוֹקוֹתֵיהֶם יוֹשִׁיעֵם: כ יִשְׁלַח
דְּבָרוֹ וַיִּרְפָּאֵם וַיִּמְלֹט מִשְׁחִיתוֹתָם: כא יוֹדוּ לַד' חֲסִדוֹ
וְנִפְלְאוֹתָיו לְבְנֵי אָדָם: כב וַיִּזְבְּחוּ זִבְחֵי תוֹדָה וַיִּסְפְּרוּ
מַעֲשָׂיו בְּרִנָּה: כג יוֹרְדֵי הַיָּם בְּאֲנִיּוֹת עֹשֵׂי מְלָאכָה בְּמַיִם
רַבִּים: כד הִמָּה רָאוּ מַעֲשֵׂי ד' וְנִפְלְאוֹתָיו בְּמִצּוֹלָה:
כה וַיֹּאמֶר וַיַּעֲמֵד רוּחַ סַעֲרָה וּתְרוֹמִם גָּלְיוּ: כו יַעֲלוּ שָׁמַיִם
יִרְדּוּ תְהוֹמוֹת נֶפֶשָׁם בְּרָעָה תִתְמוּגַג: כז יַחֲוּגוּ וַיִּנּוּעוּ כְּשִׁכּוֹר
וְכָל-חֲכָמָתָם תִּתְבַּלַּע: כח וַיִּצְעֲקוּ אֶל-ד' בְּצַר לָהֶם

וּמִצּוֹקֵיהֶם יוֹצִיאֵם: כֵּט יִקַּם סְעָרָה לְדַמְמָה וַיַּחֲשׂוּ
גְלִיהֶם: לַוַיִּשְׁמְחוּ כִּי־יִשְׁתַּקּוּ וַיִּנְחָם אֶל־מַחֲזוֹ חֲפָצָם:
לֹא יוֹדוּ לַד' חֲסֵדוֹ וְנִפְלְאוֹתָיו לְבָנֵי אָדָם: לֵב וַיִּרְמְמוּהוּ
בְקַהֲל־עַם וּבְמוֹשֵׁב זִקְנִים יִהְלֹוהוּ: לֵג יִשֵּׁם נְהָרוֹת לְמַדְבָּר
וּמִצְאֵי מַיִם לְצַמְאוֹן: לַד אֶרֶץ פְּרִי לְמַלְחָה מִרְעֵת יֹשְׁבֵי בָּה:
לֵה יִשֵּׁם מַדְבָּר לְאִגְס־מַיִם וְאֶרֶץ צִיָּה לְמִצְאֵי מַיִם:
לוֹ וַיֹּשֶׁב שָׁם רַעֲבִים וַיִּכְוֹנְנוּ עֵיר מוֹשֵׁב: לוֹ וַיִּזְרְעוּ שָׂדוֹת
וַיִּטְעוּ כִרְמִים וַיַּעֲשׂוּ פְרִי תְבוּאָה: לַח וַיְבָרְכֶם וַיִּרְבּוּ מְאֹד
וּבְהַמְתָּם לֹא יִמְעִיט: לֹט וַיִּמְעֲטוּ וַיִּשְׁחוּ מֵעֶצֶר רַעָה וַיִּגְוּ:
מ שִׁפְךָ בּוֹז עַל־נְדִיבִים וַיִּתְעַם בְּתֵהוּ לֹא־דָרְךָ: מֵא וַיִּשְׁגַּב
אֲבִיוֹן מֵעוֹנֵי וַיִּשֵּׁם כְּצֵאֵן מִשְׁפָּחוֹת: מֵב יִרְאוּ יִשְׂרָאֵל
וַיִּשְׁמְחוּ וְכָל־עוֹלָה קִפְצָה פִּיהָ: מֵג מִי־חֲכָם וַיִּשְׁמַר־אֱלֹה
וַיִּתְבוֹנְנוּ חֲסֵדֵי ד':